

# **Protocol da la radunanza generala dals 4 december 2008, a las 20.30 aint il Cafè Sala**

## **Tractandas**

1. Salüd dal president e s-chüsas
2. Tscherna scrutinadurs
3. Protocol da la radunanza generala 2007
4. Rapport annual dal president
5. Rapport da la chaschiera e dals revisurs da quint
6. Rapports schef da pista, schef da turas, president Surper-G, delegats Traversada e Stafetta tras Sent
7. Mutaziuns ed onurificaziuns
8. Tschernas:       president  
                      actuar/a  
                      chaschier/a  
                      schef da pista  
                      schef da material  
                      schef da turas  
                      revisur/a
9. Fixar la contribuziun annuala
10. Program da l'on
11. Varia

### **1. Salüd dal president e s-chüsas**

A las 20.40 po dar il president Christian Poo il bivgnaint a 23 commembras e commembers. S-chüsats s'han: Chasper e Cla Valentin, Andri Poo, Gianna Rauch, Mario Rauch, Rico Zini, Jon e Chasper Buchli, Rosina e Madlaina Taverna, Sonja Gartmann.

La radunanza s'adoza in memoria a vegl commember Chasper Buchli chi'd es mort ill'ota età da 98 ons. El es il plü vegl commember chi'd es gravà aint in ün bacher chi's rechatta aint illa chaista da nos club. In sia regordanza legia avant Cla Sarott ün pêr reminiscenzas capitas pro üna stafetta da Scuol.

### **2. Tscherna scrutinadurs**

Men Caviezel vain nomnà sco dombravuschs per quista radunanza.

### **3. Protocol da la radunanza generala 2007**

Il protocol da la radunanza generala dals 5 december 2007 es gnü protramiss a tuot ils commembers insembel cul invid. Ingün nun ha remarchas, uschè cha quel vain approvà.

### **4. Rapport annual dal president**

In seis rapport presidial manzuna Christian Poo cha l'inviern 2007/08 saja stat optimal: la prüma naiv fingià in november e durant tuot l'inviern fich bunas relaziuns per cuorsas e gitas.

Il club ha pudü realisar plü o main tuot las occurenzas üsitadas. Pro las cuorsas dal club nu s'haja pudü manar tras il passlung causa mancanza d'interess, ma pro las cuorsas alpinas es statta la partecipaziun relativmaing gronda. Las cuorsas han gnö lö sco adüna vi la Motta Naluns e l'ora es statta excellenta.

Insembel culs clubs dals cumüns vaschins sun gnüdas organisadas diversas cuorsas da l'OJ e'l passlung Scuol-Martina. La jouslada Vastur ha plaschü a tuots, uschè cha quella gnarà realisada eir in avegnir. Christian ingrazcha a tuot quels chi han güdà in üna o tschella maniera a realisar las occurenzas d'inviern e da stà. El sperescha cha quai cuntinuescha uschè e giavüscha a tuots ün bel inviern.

## **5. Rapport da la chaschiera e dals revisurs da quint**

La chaschiera Adriana Preuss-Taverna ha parti oura ün fögl cul bilantsch pels 20 november 2008. Il club ha fat ün guadogn da 1'450.45 frs. Il chapital agen s'amunta actualmaing a 22'024.25 frs.

Domenic Bass e Duri Valentin han revis il quint e chattà tuot in bun uorden, uschè cha quel vain fat bun cun applaus.

## **6. Rapports schef da pista, schef da turas, president Super-G, delegats Traversada e Stafetta tras Sent**

Causa cha Jon Buchli ed Andri Poo sun absaints dà Christian ün pêr cuortas orientaziuns. Da la partecipaziun a las cuorsas dal club ha'l fingià manzunà aint in seis rapport presidial. A regard las gitas agiundscha'l amo cha Andri Poo haja previs da far duos gitas, üna da duos dis in Fenga ed üna insembel cul CAS.

Displaschaivelmaing nu s'haja pudü manar tras il Super-G, e quai paradoxamaing pervi da massa blera naiv. Quel di naivaiva talmaing cha las cabinas d'eiran serradas. Ma oramai cha 120 skiunzs as vaivan annunzchats as provaraja da realisar la cuorsa quist inviern chi vain.

La Traversada vain manada tras be ils ons dispêrs. Georg Buchli manuzuna cha ün pêr da Sent s'hajan partecipats a la traversada chamonna Oberettas – chamonna Sesvenna chi vain organisada da noss amis dal Vnuost. El sperescha cha no hajan darcheu üna gronda partecipaziun a nossa Traversada chi ha lö als 4 lügl 2009.

Andri Gritti rapporta da la 25avla Stafetta tras Sent, damaja da la stafetta da giubileum. Quai es stat ün ün evenimaint tuot special cun üna gronda partecipaziun (34 gruppas, 173 curridurs), cun ün prominent, Dario Cologna, e cun üna sairada da cumpagnia bain gratiada in chasa da scoula. El ingrazcha ad üna massa da personas ed instituziuns chi han güdà ad organisar ed imbellir l'arrandschamaint o chi til han sustgnü in üna o tschella maniera.

## **7. Mutaziuns ed onurificaziuns**

Quatter novs commembers vegnan artschvüts cun applaus: Marlies Zimmermann, Plasch Caviezel, Curdin Preuss, Thomas Dietrich.

Not Buchli vain onurà sco commember liber (40 ons commembranza) e'ls seguaints dvaintan veterans (25 ons commembranza): Georg Salomon, Cristina Gregori Linsel, Carl Hauser, Johann Martin Taverna.

## **6. Tschernas**

Da la suprastanza veglia han demischiunà Andri Taverna ed Adriana Preuss-Taverna. Adriana as lascha però persvader dad assumer la carica amo ün on.

Plasch Caviezel es pront da surtour il post da schef da material. Tuots vegnan elets cun appaus. Il nouv comitè guard'oura seguaintamaing:

president: Christia Poo  
actuar: Mario Rauch  
chaschiera: Adriana Preuss-Taverna  
schef da pista: Jon Buchli  
schef da turas: Andri Poo  
revisurs da quint: Domenic Bass e Duri Valentin.

## 6. Contribuziun annuala

Siond cha culla chascha dal club vaja bain vain laschada la contribuziun sün 25.- frs. per commember. Quels chi sun aint ill'associazion swisski ston pajar in plü amo 25.- frs., sainza resguardar la categoria.

## 6. Program da l'on

Il program da l'on es gnü protramiss a tuot ils commembers. Christian fa üna pitschna correctura: la data da la cuorsa dal club alpin es ils 31 schner e na sco indichà ils 24 favrer.

Als 11 schner haja dat üna collisiun da termins cun Cuvits e la jouslada Vastur. La radunanza ed eir Georg Salomon sun da l'avis cha quai nu stuvesch chaschunar ingüens problems.

## 6. Varia

L'ESTAG nun es plü pronta da surtour l'administraziun dal Passlung Scuol-Martina. Els dischan cha quel maina massa pac pel turissem. Ils presidents dals clubs han uossa miss ad ir ün comitè chi pissera cha la cuorsa gnia realisada eir in avegnir. Ün novum es cha quist on sarà la partenza a Martina e'l böt a Scuol.

L'organisaziun SNAF nun exista neir na plü. Per la paja s'haja uossa miss in chomma ün uschedit „Förderverein“, regiun Parc Naziunal. Quel stess pisserar chi vegna cuntinuà culla lavur da la SNAF. Mario Riatsch e Thomas Dietrich dan pêr sclerimaints a regard, ma tuot quista fatschenda es per intant amo in elavuraziun.

Il comitè giavüscha a Cla Rauch da metter ad ir üna chartera electronica e publichar quella aint illa pagina d'internet dal club. L'adressa sarà [css@sent-online.ch](mailto:css@sent-online.ch).

Domenic Bass intimescha da tgnair inavant l'ustaria aint in Plaz pro'ls concerts da la musica, cha quella renda bain.

Not Buchli as fa pissers cha'l numer da commembers as diminuischa. Adriana disch cha sch'ün commember nu paja ün pêr ons indavorouda la contribuziun schi ch'ella til stricha our da glista.

A las 10.00 h po Christian Poo serrar la part ufficala da la radunanza.

Intant cha'ls preschaints mangian spagnolettas e mandarinas sportas dal club muossa Andri Linsel ün pêr fotografias da las occurenzas dal biathlon, ingio cha seis figl e'l figl da Thomas Dietrich as partecipeschan activmaing.

Il substitut da l'actuar:

Cla Rauch